



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Dydimio caeco. Cap. XX.

urn:nbn:de:hbz:466:1-12704

SOCRAT. HISTOR.

Nam dæmonem ex virgine eijciunt, eamque patri tradunt sanam & valentem, sacerdotem, & omnes insulæ habitatores ad fidem Christianam traducunt. Exemplò igitur, commutata religionis forma, omnes baptizati sunt: & doctrinã Christianam lubentibus animis didicerunt. Quare diuini illi viri propter fidem Consubstantialis grauius & acerbè exagitati, cum illi ipsi magis probati facti sunt, tum aliis salutem dederunt, tum denique fidem illam effecerunt multo firmiorem.

De Dydimò cæco. CAP. XX.

Eisdem temporibus alium virum valde fidelem Deus extulit in lucem, per quem suam fidem vehementer testatam & illustrem reddidit. Nam Dydimus vir planè admirabilis & insignis, omniq; literarum genere excellens, per id tempus floruit. Qui cum adhuc admodum adolescens esset, & prima literarum elementa solum didicisset, in graue morbum oculorum incidit: quo quidem grauius afflictus, lumina penitus amisit. At Deus pro oculorù sensu, intelligentiæ aciem illi clemens impertiit. Nam quæ oculorù obtutu capere non poterat, ea per sensum audiendi perdidit: quippe à puero, præclara indole & ingenio valde bono præditus, omnes ingeniosos, etiã acutissimè cernentes, longe superauit. Nam grãmaticæ præcepta celeriter combibit: rhetoricæ aut multo celerius. Ad studium philosophiæ ingressus, mirù quantum breui profecerit. Ac primù dialecticam, deinde Arithmeticã, tum Musicã didicit: postremò reliquis disciplinis, quæ philosophiæ finibus continentur, ita animum suũ imbuit, vt cù illis, qui oculorum subsidio maximas in eisdem progressiones fecissent, cõgredi potuerit. Quinetiã sacrosancta tũ veteris, tum noui testamenti eloquia adeo accuratè tenuit, vt multos in eadè conficeret cõmentarios. Itemq; de trinitate tres libros edidit. Libros porò Origenis de principiis interpretatus est, inq; eosdè composuit commentarios, quibus probauit eos optime perscriptos: illosque inaniter nugari, qui cum Origenis libros nõ possent intelligere, & hominem incusare & libros reprehendere laborarent. Quocirca si quis multiplicem doctrinam, & ardens animi studium Dydimi cognoscere desiderat, libros

bro ab eo editos euoluendo facile, quod uolet, consequetur. Fertur præterea Antonium iam pridem Valentis temporibus, cum propter Arianos ex solitudine Alexandriam accederet, cum hoc Dydimus in colloquium uenisse: eiusque doctrinam & intelligentiam cum perspexisset, ei dixisse: nihil te conturbet, Dydime, quod sensu oculorum corporum orbatus sis. Nam quamuis tales oculi, quales muscis & culicibus tribuuntur ad seruandum, tibi profus desint, tamen lætari plurimum debes, quod illos habeas oculos, quibus angeli aspiciunt, quibus Deus ipse cernitur, quibus denique clarissimum eius lumen comprehenditur. Hæc iam pridem sanctum Antonium ad Dydimum dixisse ferunt. Dydimus eodem tempore maximus sincerae fidei patronus contra Arianos fuit: illis se opposuit: eorum fallaces captiones dissoluit: denique rationes adulterinas & ueteratorias coarguit.

De Basilio Cæsariensi, & Gregorio Nazianzeno.

CAPVT XXI.

Quemadmodum Alexandria Dydimus diuina prouidentia Arianis oppositus fuit: ita in aliis ciuitatibus Basilius Cæsariensis, & Gregorius Nazianzenus: de quibus tempus uidetur opportunum iam pauca differendi. Quanquam illorum memoria apud omnes sine intermissione usurpata, & doctrinae fructus ex eorum libris perceptus, factis ualere possunt ad utriusque commendationem: tamen cum per id tempus multa ecclesiis afferrent adiuuamenta, & tanquam duæ faces, ad fidem accendendam à Deo conseruarentur, nostrum institutum uidetur postulare, ut de illis cum primis pauca commemoremus. Quod si quis Basilium & Gregorium inter ipsos comparare, uitamque mores & uirtutes, quibus uterque præstabat, oratione prosequi uoluerit, hærebit admodum, quem illorum alteri prætulerit. Nam & recta uitæ institutione, & utroque genere literarum, tam gentilium, quam sacrarum alter alteri par. Qui cum adulescentes erant, Athenis Himerij & Proeresij, Sophistarum eius ætatis perquam celebrium auditores fuere: postea Antiochiæ Syriæ à Libanio instituti, in dicendi facultate uenerunt ad summum. Ac cum ad Philosophiæ præcepta tradenda iudicarentur idonei, rogarenturque propterea à permultis, ut ad docendi munus totos se transf-

se transf-